

# INUIT ATAQATIGIIT

## INATSISARTUNI



UPA2024/155

15. April 2024

Kristian Jeremiassen

**Royal Greenland suleqatigalugu saarullinnik uumatitsivinnik  
amerlanerusunik pilersitsisoqarnissaanik pilersaarusiortoqarnissaanik  
Naalakkersuisut peqquneqarnissaannik Inatsisartut  
aalajangiiffigisassaattut siunnersuut**

(Inatsisartuni ilaasortaq, Siverth K. Heilmann, Atassut)

Qulequtaq tusaannarlugu eqqarsariaallannarpoq. Taamatut Inuit Ataqatigiit aallarniuteqassaangut imani nunamilu pisuussutillit atorluarneqarnissaat pingaaruteqartoq Inuit Ataqatigiit oqaatingerusupparput ukiorpassuarnimi naleqarnerulersitsinissaq eqqartorlutigu alloriarpallaarsimanngilangut alloriarusukkaluarlatali. Inuit Ataqatigiit taama aallarniuteqariarluta siunnersuut imatut oqaaseqarfingissavarput:

Nuna sanilerput Island nunatsinnit mikinerungaartoq saarullittassiivoq amerlanernik naak siornatigut amerlanerusunik saarullittassiisoqartartoq uunga killissimanerat ilinniarfilluartariaqaripput Inuit Ataqatigiit isumaqarpugut. "Pisassiissutit ikilipput" taava saarullik annertunerusumik pissarsiffingissallutigu qanoq iliuuseqarsinnaavugut? Island-imi eqqarsarluarsimapput saarullit tamakkerlugu iluaqtingerusukkamikku ilisimatuussutsikkut qaffassaapput iluatsilluarlugulu.

Ippasaaninnguaq oqallikkatta Inuit Ataqatigiit oqariartuutittaa ilagivaat pisassiissutinik pissarsisut pisussaaffilerneqarniarlik inuiaqatigiit pisasssaataannik imaaneersunik pissarsigamik illuatungaani

# INUIT ATAQATIGIIT

## INATSISARTUNI



naleqarnerulersineq piumasaqaataalerniarli nunatta aalisartuisa iluaqtissaat nunattalumi tamarmi innuttaasuttaaq.

Oqaatingineqartullu siulii oqaatigisagut eqqarsaatigalugit erseqqissaatingissavarput oqallineq manna tassaalissanngilaq aalisarnermut inatsimmi isumaqatigiinniarneq

Siunnersuuteqartup tunngavilersuutaasigut ersarissumik mianersussasugut Inuit Ataqatigiit isumaqarpugut politik-kkut aqtsilissannginnatta inuussutissarsiortut aaliangingassaat umiarsuit qanoq ittut atorneqas-sanersut peqqissaartumilli inatsisitigut sinaakkusiissasugut Inuit Ataqatigiit isumaqarpugut.

Ilisimatuussutsikkut ilisimatusarnissamut pinngortitalerivimmot aningaasanik immikkoortitsisinnaaneq siunnersuuteqartup Siverth K. Heilmannip tiktaa Inuit Ataqatigiit soqutinginartipparput illuatungaatingullu tikikkusullugu aalisartut annertuumik ilisimasallit taakkua aamma ilisimasaat atorluartariaqartut taamaaliornikkut siunissami pittaasumik ineriertortitsisinnaassasugut isumaqarluta.

Niuertut niuerneq ingerlatissavaat politik-kkullu suliassat politikerit isumagissavagut taamaammat politik-kkut ingerlatsinisstsinni pisut ataasiakkaanut pulaterata niuertut suliassatik suliarissagaat Inuit Ataqatigiit ersarissaqqikkusupparput.

Nassiutigalugulu Inuit Ataqatigiit politik-kitsinnut tulluarpallaaqimmat oqaatingerusupparput inuiaqatigiit pisuussutaat akisussaassusilimmik naammanginartumillu aqunneqarnissaat pingaartikkatsigu saarulliit

# INUIT ATAQATIGIIT

## INATSISARTUNI



uumatitsivinniillutik toqusartut nalunaarsorneqartarnissaanik Naalakkersuisut suliaqarnerat ilassilluarparput.

Taamatut siunnersummut oqaaseqarluta Naalakkersisut allannguutissaatut siunnersuataat akuerivarput siunnersuuteqartut tunngaviatigut kissaatai angummagit. Oqallinnermut uummaarissumut qilanaarpugut.

Taamatut oqaaseqarluta siunnersuut Aalisarnermut, Piniarnermut Nunalerinermullu ataatsimiitaliamut ingerlateqqipparput.